

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 489065 26 St
Tuzla, 01.04.2026. godine

Općinski sud u Tuzli, stečajni sudija Vedran Milašinović, u postupku predhodnog ispitivanja prijedloga za otvaranje stečajnog postupka nad dužnikom „MAGISTRALA“, d.o.o. za unutrašnju i vanjsku trgovinu i građevinarstvo, ul. H.K. Gradašćevića bb, Gradačac, dana 01.04.2026. godine donio je slijedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „MAGISTRALA“, d.o.o. za unutrašnju i vanjsku trgovinu i građevinarstvo, ul. H.K. Gradašćevića bb, Gradačac.

Za privremenog stečajnog upravnika imenuje Nedim Unkić iz Gradačca, ul. Gazijska b.b.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez

odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gradačcu i Službi za geodetske i imovinsko-pravne poslove Grad Gradačac, radi upisa zabilježbe otvaranja prethodnog postupka.

Obrazloženje

„MAGISTRALA,, d.o.o. za unutrašnju i vanjsku trgovinu i građevinarstvo, ul. H.K. Gradašćevića bb, Gradačac, je dana 12.06.2025. godine podnijelo prijedlog za otvaranje likvidacionog postupka.

Na ročištu za saslušanje stečajnog dužnika održanog dana 17.03.2026. godine, zastupnik predlagača je izjavio da društvo nema nekretnina, a ni pokretnih stvari, nema ni novčanih sredstava, niti bilo kakve druge imovine. Društvo je vodilo postupak gdje je tuženo od strane Tuzlaputeva i koji postupak je izgubilo, a postojao je i jedan dug manje vrijednosti prema društvu Almedina Com doo. Ne postoji mogućnost da se iz imovine ili na neki drugi način izmire ove obaveze. Zbog navedenog predlaže da se ovaj likvidacioni postupak obustavi, da se prijedlog koji je podnio smatra prijedlogom za pokretanje stečajnog postupka.

Shodno navedenom sud je dana 23.03.2026. godine donio rješenje kojim se predmetni likvidacioni postupak obustavlja, prijedlog podnesen dana 12.06.2025. godine se ima smatrati prijedlogom za otvaranje stečajnog postupka te se postupak nastavlja prema pravilima Zakona o stečaju.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, rješenjem od 23.03.2026. godine, je također naložio predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač je dana 01.04.2026. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene i pribavljene dokumentacije i to; obavijest Unicredit banke od 29.07.2025. godine, odluka o prestanku rada od 10.06.2025. godine, rješenje o registraciji od 13.03.2008. godine, dostava podataka registra suda od 16.11.2023. godine, uvjerenje PU F BiH KPU Tuzla PI Gradačac od 03.06.2025. godine, potvrda PU F BiH od 14.05.2025. godine, izvještaj o računima poslovnog subjekta Centralne banke od 03.06.2025. godine, izjava direktora od 10.06.2025. godine, bilans uspjeha za period 01.01.-31.12.2024. godine, bilans stanja na dan 31.12.2024. godine, predlagač je učinio vjerovatnim platežnu nesposobnost.

Iz svega navedenog proizilazi da društvo nije u mogućnosti izvršavati svoje dospjele obaveze od momenta dospijeća u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.